

NAPLAN

2023

NAPLAN - Fa'amatalaga mo mātua ma tagata o lo'o tausia fanau.

Aiseā e fai ai e fanau a'oga le NAPLAN?

O le NAPLAN o iloiloa a le atunu'u fa'atatau i tomai tusitusi ma le faitautusi fa'apea malamalama'aga i fainumera ma lo latou fa'aaogaina lea e su'e ai fanau a'oga o le Tausaga 3, 5, 7 ma le 9 i tausaga ta'itasi. E na o le pau lea o le iloiloa a le atunu'u e maua ai avanoa o fanau a'oga uma i Ausitalia e latou te fa'atinoa.

A o fa'agasolo tausaga a'oga a fanau aoga, e tāua le siakiina pe o fa'a'apefa le a'oa'oina lelei o i latou i tomai tāua fa'afaitautusi, tusitusi ma malamalama'aga i fainumera ma le fa'aaogaina.

E iloiloa le NAPLAN ia tomai o lo o a'oina e fanau a'oga e ala i mata'upu e a'oa'oina e a'oga ma maua ai le avanoa o mātua ma tagata o lo'o tausia fanau e va'ai ai pe o fa'a'apefa le alualu i luma o latou alo i le fua fa'atulagaina a le atunu'u mai i lea taimi i lea taimi.

O le NAPLAN e na o se tasi o vaega o iloiloa e fa'atino e a'oga fa'apea 'auala e fa'asolo ai le faiga o lipoti. E le 'ave'esea ai iloiloa faifaipea e faia e faia'oga i fa'atinoga a fanau a'oga, 'ae e maua ai e faia'oga ia fa'amatalaga fa'aopopo fa'atatau i le alualu i luma o tulaga fa'alea'oa'oga a fanau aoga.

E maua mai fo'i i le NAPLAN ia fa'amatalaga mo a'oga, pulega o a'oga ma mālō pe o fa'a'apefa le fa'agaioiga o porokalame a a'oga ma po o 'ausia e talavaou Ausitalia ia taunu'uga tāua o a'oaoga mo tomai tusitusi ma le faitautusi fa'apea malamalama'aga i fainumera ma lo latou fa'aaogaiga

E su'e lou alo i le NAPLAN i 'auala fa'ainitoneti

Ua suia le faiga o iloiloa a a'oga mai i le fa'aaogaina o pepa i le fa'aaogaina o 'auala fa'a-komepiuta. O le a fa'aauiina pea le fa'aaogaina o pepa e fanau a'oga o le Tausaga 3 e fai ai su'ega tusitusi.

E maua taunu'uga e sili atu ona sa'o i su'ega a le NAPLAN e faia i le initoneti ma e sili atu fo'i le fiafia o fanau a'oga i lea 'auala. O le tasi o fa'amanuiga 'autū, o le mafai lea ona fetu'una'i (pe fuafua) su'ega ina ia iai fesili e ono sili ona faigatā pe e le faigatā tele fo'i e fua i tali a le fanau a'oga.

O su'ega e fetu'una'i e maua ai le avanoa e iloilo ai le tele o tomai 'ese'ese a fanau a'oga ma fua ai tulaga e 'ausia e fanau a'oga i se fua e sili atu ona sa'o atoatoa. O le aotelega o togi a fanau a'oga i le NAPLAN e fa'avae lea i le numera ma le lavelave o fesili na sa'o ona latou taliina. E le tatau ona fa'apopoleina lou alo pe afai e latou te maitauina e faigata ia fesili; atonu o lo'o latou su'e i itu'aiga o su'ega e sili le lavelave.

O a mea e iloiloa i le NAPLAN

E iloiloa le NAPLAN ia tomai i le tusitusi ma le faitautusi fa'apea malamalama'aga i fainumera ma lo latou fa'aaogaina e ala i mataupu e masani ona a'oa'oina e a'oga i fanau a'oga.

E su'e fanau a'oga i su'ega i le tusitusi, faitautusi, fa'atinoga masani e fa'aaoga i le gagana (sipela, kalama ma fa'ailoga faitautusi) fa'apea malamalama'aga i fainumera ma lo latou fa'aaogaina. O fesili e iloiloa ai mataupu, e feso'ota'i i mataupu e a'oa'oina i Ausitalia: Ingilisi ma le Matematika.

E fesoasoani uma pulega a a'oga a le mālō ma pulega a a'oga e le o ni a'oga a le mālō i le atina'eina o mea e fa'atino ai su'ega a le NAPLAN

Mo le sa'ilia o fa'aopopoga fa'atatau i le NAPLAN, asiasi i le nap.edu.au.

'Auai i fa'atinoga a NAPLAN.

O le NAPLAN e mo tagata uma E lagolago e le ACARA ia su'ega e 'auai uma ai fanau a'oga ina ia latou maua uma avanoa e 'auai ai i porokalame o iloiloa a le atunu'u.

E maua fetu'una'iga mo fanau a'oga e iai mana'oga fa'apitoa ma e 'ese'ese mea e mafai ona latou fa'atinoina fa'apea isi mana'oga.

E tatau ona galulue fa'atasi a'oga ma mātua po o tagata o lo o tausia fanau, fa'apea ma fanau a'oga ina ia iloa vaega o fa'atinoga ta'itasi e mana'omia iai fetu'una'iga alagatatau mo fanau a'oga ta'itasi e iai mana'oga fa'apitoa e mafai ai ona latou fa'aaogaina le NAPLAN. E tatau i fetu'utu'una'iga ona atagia ai le lagolago masani e tu'uina atu mo iloiloa e faia i potu a'oga.

Ina ia fesoasoani ia atoa le silafia e faia ai ia fa'ai'uga, e mafai ona taga'i i vaega o [fa'ata'ita'iga fa'alaua'itele a le NAPLAN](#), fa'apea ia [ta'iala mo a'oga e fesoasoani i fanau a'oga e iai mana'oga fa'apitoa e mafai ai ona latou fa'aaogaina le NAPLAN](#), po o a tatou [fa'asologā vitio](#) o lo o fa'asoa ai mātua po o tagata o lo o tausia fanau, o faia'oga ma fanau a'oga i o latou silafia ma lagona i le fa'aaogaina o fetu'unaiga i le NAPLAN

I taimi e tula'i mai ai se tulaga e le masani ai, e mafai ona tu'uina atu se fa'atanaga aloa'ia i se alo a'oga e iai mana'oga fa'apitoa e matuā le mafai ai ona ia 'ausia agava'a e 'auai ai i le iloiloa, po o se alo a'oga ua fa'ato'ā taunu'u i Ausitalia ma e leai sona iloa muamua o le gagana Igilisi

E mafai e le pule a'oga o la outou a'oga ma le pulega o su'ega i lo outou ala'alafaga ona tu'uina atu fa'amatalaga fa'aopopo fa'atatau i fetu'unaiga mo fanau a'oga e iai mana'oga fa'apitoa po o le fa'asologa o fa'atinoga e mana'omia e maua se fa'atanaga tu'usaoloto aloa'ia.

E fa'afefea pe a le 'auai lo'u alo i le a'oga i aso o le NAPLAN?

Pe a mafai ai, e ono fa'atulagaina e a'oga mo fanau a'oga ua le 'auai i le taimi o le su'ega ia se isi taimi i totonu o taimi fa'atulagaina o su'ega a le a'oga e fai ai su'ega na misi.

E fa'a'apefea pe a fai e tapuni la'u aoga i aso o le NAPLAN

O a'oga e iai mafua'aga malolosi talafeagai, e ono mafai ona tu'uina atu iai fa'atanaga e fa'atulaga ai su'ega i le te'a o aso e 9 fa'aavanoaina mo su'ega.

E fa'a'apefea ona 'ou lagolagoina lo'u alo?

E leai se fa'anaunauga mo fanau a'oga e fai ni a latou su'esu'ega mo le NAPLAN. E mafai ona e lagolago i lou alo i le fa'atalitoniua o i latou o le NAPLAN o se vaega o le porokalame o la latou a'oga ma fa'amanatu iai e fai le mea sili. E aoga le fa'amasani ma le fa'amalamalamaina o le NAPLAN i fanau a'oga e fesoasoani e malamalama ma to'afimalie ai i fa'atulagaga o su'ega. E fa'amautinoa e faia'oga, e masani fanau a'oga i itua'iga o fesili i totonu o su'ega ma e tu'u atuina iai le lagolago ma ta'ita'iga talafeagai.

E le fautuaina e le ACARA le tele na'uā o ni tapenaga mo le NAPLAN po o le fa'aaogaina o 'au'aunaga fa'a-faia'oga fa'aopopo.

Silasila i ituaiga o fesili ma 'auala fesoasoani mo iloiloga a le NAPLAN i le initoneti i le nap.edu.au/online-assessment/public-demonstration-site.

Taimi fa'atulagaina a NAPLAN

O aso avanoa mo su'ega a le NAPLAN e 9. O lenei fuafuaga e maua ai avanoa talafeagai mo a'oga e la'ititi le numera o a latou masini.

E amata ia aso avanoa mo su'ega a le NAPLAN i le aso Lulu 15 o Mati ma uma i le Aso Gafua 27 o Mati 2023. E fautuaina a'oga e fa'atulaga ia su'ega i taimi pito i vave e mafai ai i totonu o taimi fa'aavanoaina mo su'ega, 'ae ia mua'i fa'amuamua le vaiaso muamua.

E fa'a'apefea ona lipotia ia fa'atinoga a lo'u alo?

E fa'ailoaina ia fa'atinoga a fanau a'oga ta'itasi i luga o le fua fa'atulagaina o tulaga e 'ausia i le atunu'u i iloiloga ta'itasi. E fa'ailoaina mai e le fua pe o 'ausia e le alo a'oga ia sini mo tomai tusitusi ma le faitautusi fa'apea malamalama'aga i fainumera ma lo latou fa'aaogaina e 'auai atoatoa ai i lea la'asaga fa'aletausaga.

O lipoti a NAPLAN mo fanau a'oga ta'itasi e maua atu i le a'oga a lou alo i se taimi mulimuli ane o le tausaga. A e le mauaina se lopoti, e tatau ona e feso'ota'i i le a'oga a lou alo.

E fa'a'apefea ona fa'aaoga ia togi o le NAPLAN.

- E mafai e fanau a'oga ma mātua po o tagata o lo o tausia alo aoga ona fa'aaoga ia togi e fa'atalanoa ai ma faia'oga tulaga alualu i luma.
- E fa'aaoga e faia'oga ia togi e fesoasoani e latou te iloa ai fanau a'oga e mana'omia ia lu'i e sili atu pe mana'omia fo'i ni fesoasoani fa'aopopo.
- E fa'aaoga e a'oga ia togi e iloa ai ia vaega malolosi ma vaega e mana'omia e fa'aleleia o porokalame o a'oa'oga, ma fa'atutū ia sini mo tomai tusitusi ma le faitautusi fa'apea malamalama'aga i fainumera ma lo latou fa'aaogaina.
- E fa'aaoga i aiaiga fa'atino a a'oga ia togi e toe iloilo ai le manuia o porokalame fa'apea fesoasoani e ofoina i a'oga.
- E mafai e tagata o nu'u ona va'ai i le myschool.edu.au mo fa'amatalaga fa'atatau i fa'atinoga a a'oga mai lea taimi i lea taimi.

O fea ou te mauaina ai nisi fa'amatalaga fa'aopopo?

Mo nisi fa'amatalaga fa'aopopo fa'atatau i le NAPLAN:

- feso'ota'i le aoga a lou alo.
- feso'ota'i le pulega a lo outou nu'u mo le fa'atinoga o su'ega i le nap.edu.au/TAA
- asiasi i le nap.edu.au

Mo le silafia pe fa'a'apefea ona fa'afaoe e ACARA mo le NAPLAN ia fa'amatalaga e patino i tagata ta'ito'atasi, asiasi i le nap.edu.au/naplan/privacy.

| Su'ega | Mea e mana'omia mo fa'atulagaga | Umi | Fa'amatalaga o su'ega |
|--|---|--|---|
| Tusitusi | <ul style="list-style-type: none"> • E faia e fanau a'oga o le Tausaga 3 ia su'ega o le tusitusi i luga o pepa (e na o le aso muamua) • O le tusitusi mo Tausaga 5, 7 ma le 9 e tatau ona amata i le aso muamua (e tatau i a'oga ona fa'amuamua le fa'amae'a ina o le tusitusi mai i le aso 1 i le aso 2, ma fa'aaoga le aso 2 mo na o fa'afitauli i le fa'atulagaga po o le fa'atinoga [o s'uega]. | Tausaga 3: 40 minute Tausaga 5: 42 minute Tausaga 7: 42 minute Tausaga 9: 42 minute | E tu'uina atu i fanau a'oga se tusitusiga e fa'aosofia ai le taumafai e tusitusi (e ta'ua i nisi o taimi o se mea e una'ia ai le taumafai - o se manatu po o se mataupu) ona talosagaina lea e tusi se tali i se ituaiga 'auala fa'apitoa (se tusitusiga fa'amatala po'o se tusitusiga e taumafai e fa'atalitoniua se tagata) |
| Faitautusi | <ul style="list-style-type: none"> • la mae'a i le uma o le su'ega tusitusi. • la mae'a i luma mai o su'ega o fa'atinoga masani e fa'aaoga i le gagana. | Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute | E faitau e fanau a'oga ia fa'amatalaga 'ese'ese, o tusitusiga o manatunatuga ma lomiga fa'atauana ona tali lea o fesili e fa'atatau i ia fa'amatalaga. |
| Fa'atinoga masani e fa'aaoga i le gagana | <ul style="list-style-type: none"> • la mae'a i le uma o le su'ega faitautusi. | Tausaga 3: 45 minute Tausaga 5: 45 minute Tausaga 7: 45 minute Tausaga 9: 45 minute | Iloiloina o le sipela, kalama ma fa'aaloga faitautusi. |
| Malamalama'aga i fainumera ma lo latou fa'aaogaina | <ul style="list-style-type: none"> • la mae'a i le uma o le su'ega o fa'atinoga masani e fa'aaoga i le gagana. | Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute | E iloilo ina fainumera ma vaega fa'amatematika (algebra), faiga o fuataga ma fa'avasegaga o mamanu (geometry) fa'apea fa'amaumauga fa'afainumera (statistics) ma le fuafuaina o ni taunu'uga e ono tutupu (probability) |